



ოქტომბერი,
პარასკევი
2016 წ., №12

თსუ ფაბ ლაბი მსოფლიო
ფაბ ლაბების ასოციაციის
წევრი გახდა



FAB LAB

გვ. 12

ნომერი

■ აბიტურიენტები,
პროფესორული ზრდით
დანიშნავს და ტრენინგები
გზადღებინან აქ!

გვ. 2

■ ქართველოლოგი
მეცნიერების ახალი
წრე გამოჩნდა

გვ. 4

„ქარის ნისკვილები“
საქართველოშიც
გამოჩნდა



ქახა ქალაქი:

ელექტროენერჯის
რეაქტივობის
ნარკოლოგი
პროდუქტია,
რომელიც აქვას
ისარგებლებს

გვ. 11

■ საქართველოს შრომის
კოდექსზე ევროპელმა
ექსპერტებმა
კომენტარები
შეიმუშავეს

გვ. 13

■ „იცოდან ისტორიამ...“

გვ. 14

სურ-მსიქი

გვ. 7-10 ავ.

როგორ ვაქციოთ სტუდენტობის
პატარა სივრცე ნამდვილ
ევროპულ კამპუსად?
მუდმივ ძიებაში — სად
დასაქმდნენ სტუდენტები?
ნახევრად დაზღვეული
ჯანმრთელობა



იოსებ სალუქვაძე

იაქტიური!
განვიხილო!
დაიწყე მუშაობა
განვითარების გზაზე!
ცვლილება უკეთეს
მოგვალს შეგნის!
facebook / თსუ განვითარების სტრატეგია

**თსუ-ის სტრატეგიული განვითარების
გზის შესაფასებლად ჯგუფები
მუშაობა იწყება**

1 / 11 / 2016

თბილისის სახელმწიფო უნივერსიტეტში თსუ-ის სტრატეგიული განვითარების გეგმის შესამუშავებელი მორიგი სამუშაო შეხვედრა 1 ნოემბერს გაიმართება (107-ე აუდიტორია, თსუ-ის პირველი კორპუსი). სტრატეგიაზე მომუშავე გუნდი ყოველ სამშაბათს 4 საათზე იკრიბება. ამჟამად მიმდინარეობს 7 ერთეულად განვიწილ სამუშაო ჯგუფში დარეგისტრირების (ონლაინ რეჟიმში) პროცესი. ამ დროისთვის შექმნილია 7 მიმართულების ჯგუფი: 1) უნივერსიტეტის მართვა; 2) თსუ-ის ინფრასტრუქტურის განვითარება; 3) სტუდენტური ცხოვრება და სტუდენტთა მომსახურება; 4) სამეც-

ნიერო და კვლევითი საქმიანობა; 5) საგანმანათლებლო საქმიანობა; 6) თსუ-ის საქმიანობის ხარისხის შეფასება (performance assessment); 7) საზოგადოებასთან ურთიერთობა.

ჯგუფებში განვიხილავთ თსუ-ში მომუშავე ნებისმიერ აკადემიურ პერსონალსა და ადმინისტრაციის წარმომადგენელს, თსუ-ის ნებისმიერ სტუდენტსა თუ საზოგადოების წევრს შეუძლია. ამ ეტაპისთვის ჯგუფებში განსახილველი საგვარაუდო საკითხებია: 1) თსუ-ის ავტონომიურობა, თსუ-ის მმართველობის/ადმინისტრაციული სტრუქტურა; მმართველობითი კომპეტენციების გამიჯვნა თსუ-ის ცენტრალურ ადმინისტრაციასა და ფაკულტეტებს/ინსტიტუტებს შორის; დეცენტრალიზაცია; თანამედროვე საინფორმაციო ტექ-

ნოლოგიების გამოყენების გაუმჯობესება მართვის პროცესში; ადმინისტრაციული ერთეულების საკადრო პოლიტიკა; 2) არსებული რესურსების აღრიცხვა და გასაჯაროება; ბიბლიოთეკა; გამომცემლობა; შპმ სტუდენტების მხარდაჭერა; ინფრასტრუქტურის იდენტიფიკაცია და ურთიერთობის სტრატეგია. 3) სტუდენტური ცხოვრების სტრატეგია; კვება; საერთო საცხოვრებელი; სტიპენდიები; სტუდენტთა მომსახურება („ერთი ფანჯრის“ პრინციპი); დასაქმების ცენტრი; სტუდენტთა სტაჟირება თსუ-ში და გარეთ; შპმ სტუდენტების მხარდაჭერა; სტუდენტური გაერთიანებები და თვითორგანიზაცია;

გვ. 3 გვერდზე

**2016 წლის საუკეთესო
ქართველ მეცნიერად
თსუ-ის პროფესორი
დასახელდა**



თბილისის სახელმწიფო უნივერსიტეტის პროფესორი, თსუ-ის ფიზიკური და ანალიზური ქიმიის კათედრის გამგე, აკადემიკოსი ბაშან ჭანკვეტაძე შოთა რუსთაველის ეროვნულმა სამეცნიერო ფონდმა მიმდინარე წლის 17 სექტემბერს 2016 წლის საუკეთესო მეცნიერად დაასახელა. თუ ბატონი ბეჟანის სამეცნიერო ინტერესებს, კვლევების მნიშვნელობას და თბილისის სახელმწიფო უნივერსიტეტის სამეცნიერო განვითარებაში შეტანილ წვლილს გადავხედავთ, აღიარება მეტად დროულად და სამართლიანად მოგვეჩვენება. მისი სამეცნიერო-კვლევითი მიმართულებაა ზუსტი და საბუნებისმეტყველო მეცნიერებები, კერძოდ, ფიზიკური ქიმია, ნივთიერებათა დაყოფის მექანიზმები; ქირალური ანალიზი; ფარმაცევტული და ბიოსამედიცინო ანალიზი; ბეჟან ჭანკვეტაძის, როგორც მეცნიერის, პროდუქტიულობას კი scopus-ისა და google scholar-ის სამეცნიერო ბიბლიომეტრული მაჩვენებლის მიხედვით შედგენილი სტატისტიკა მონიშნავს (Scopus-ით ბეჟან ჭანკვეტაძის სტატისტიკის რაოდენობა 202; c-6578; h-index - 47; ხოლო google scholar-ით c-7472; h-index - 48; g-index - 79);

ბეჟან ჭანკვეტაძე ივანე ჯავახიშვილის თბილისის სახელმწიფო უნივერსიტეტის აღზრდილია. საშუალო სკოლის და უნივერსიტეტის ქიმიის ფაკულტეტის წარჩინებით დამთავრების შემდეგ იგი ჩაირიცხა ასპირანტურაში და საკანდიდატო დისერტაციის შესასრულებლად მიავლინეს ქ. მოსკოვში ნ. ზელინსკის სახელობის ორგანული ქიმიის ინსტიტუტში. დისერტაციის

წარმატებით დაცვის შემდეგ, სამეცნიერო მუშაობისათვის, თბილისის უნივერსიტეტმა იგი ჯერ გერმანიაში, შემდეგ კი იაპონიაში — ნაგოას უნივერსიტეტში გაგზავნა. საზღვარგარეთის აღიარებულ სამეცნიერო ცენტრებში მან მალე მოიხვეჭა სახელი ენანტიომერული ნარეგების კვლევის დარგში და

გვ. 5 გვერდზე

**სტუდენტური
თვითმმართველობის
არჩევნები 25 ნოემბერს
გაიმართება**

25 / 11 / 2016

თსუ-ის სტუდენტური თვითმმართველობის არჩევნები 25 ნოემბერს გაიმართება. არჩევნები უნდა გამართულიყო 2016 წლის მაისში, თუმცა უნივერსიტეტში არსებული რთული ვითარების გამო, თვითმმართველობის წესდებით განსაზღვრულ ფარგლებში, მან 6 თვით გადაინია. თსუ-ის სტუდენტური თვითმმართველობის პრეზიდენტის მოვალეობის შემსრულებლის ბახვა კვირიკაშვილის განცხადებით, სტუდენტური თვითმმართველობის წესდებამ შეტანილი ცვლილების მიხედვით, არჩევნებში გამარჯვებული საუკეთესო შედეგების მქონე დელეგატები ავტომატურად საფაკულტეტო საბჭოების წევრები გახდებიან და ეს საკითხი სტუდენტური თვითმმართველობის 20 კაცის დელეგატთა საბჭოს სხდომაზე



აღარ გადაწყდება. ანუ, არჩევნების შედეგად, სტუდენტური თვითმმართველობის დელეგატად თითოეული ფაკულტეტიდან 20 სტუდენტი ირჩევა და აქედან 10 საფაკულტეტო საბჭოში შევა. ეს 10 სტუდენტი იქნება I კურსიდან პირველი ოთხი საუკეთესო შედეგების მქონე დელეგატი, II კურსიდან — პირველი სამი, III კურსიდან — პირველი ორი და IV კურსი-

გვ. 3 გვერდზე



ტსუ-ის სტრატეგიული განვითარების გეგმის შესამუშავებლად ჯგუფები მუშაობა იწყება

პირველი გვერდიდან

სტუდენტური ომბუდსმენი; 4) ქართველოლოგიური ცენტრები საზღვარგარეთ; თსუ-ის სამეცნიერო-კვლევითი ბაზები; სამეცნიერო-კვლევითი ერთეულების ადმინისტრაციული მხარდაჭერა; საუნივერსიტეტო და ერთობლივი სამეცნიერო კვლევითი პროექტები: პრიორიტეტები და დაფინანსება; სამეცნიერო პერსონალის გაცვლითი პროგრამები; სამეცნიერო პროდუქციის წარმოება და გავრცელება; სამეცნიერო საქმიანობა; შედეგების შეფასება და ნახალისების სისტემა; თსუ-ის მეცნიერების კავშირი პრაქტიკასთან და წარმოებასთან; 5) აკადემიური პერსონალის საქმიანობის სტანდარტები; აკადემიური პერსონალის მიღების კრიტერიუმები (კონკურსის პირობები); სტუდენტებისთვის უცხო ენების სწავლება; ერთობლივი



საგანმანათლებლო პროგრამები; პროგრამების საერთაშორისო აკრედიტაცია; უცხოენოვანი პროგრამები; უცხოელი სტუდენტების რეკრუტირება; აკადემიური

პერსონალისა და სტუდენტთა გაცვლითი პროგრამები; აკადემიური პერსონალის საქმიანობა; შედეგების შეფასება და ნახალისების სისტემა; აკადემიური პროგრამე-

ბის რესურსებით უზრუნველყოფა; სამივე საფეხურის პროგრამების საჭიროებები; 6) წარმატების ინდიკატორების დადგენა; მონიტორინგი და შეფასება; შედეგებზე დაფუძნებული ანაზღაურების/დაფინანსების სისტემა; საერთაშორისო რეიტინგებში მონაწილეობა; 7) თსუ-ის ვებ-გვერდის განახლება; საზოგადოებასთან კომუნიკაციის სტრატეგიის შემუშავება; სტუდენტებისა და პერსონალის შეტყობინების სისტემის სრულყოფა; ინგლისურენოვანი ინფორმაციის ადეკვატურობა და მუდმივი განახლება.

ამ დროისთვის შექმნილია ფიზიკურ-გვერდი — თსუ განვითარების სტრატეგია — რომელზეც განსახილველი დოკუმენტებია ატვირთული. აქვეა ონლაინ-აპლიკაცია, რომლის საშუალებითაც ყველა მსურველს ჯგუფებში დარეგისტრირება შეუძლია.

ტსუ-ის სტუდენტური თვითმმართველობა რექტორს შეხვდა

თსუ-ის სტუდენტური თვითმმართველობა რექტორს გიორგი შარვაშიძეს შეხვდა. შეხვედრის მთავარი მიზანი თბილისის სახელმწიფო უნივერსიტეტში არსებული პრობლემების განხილვა გახლდათ, უფრო კონკრეტულად კი მოუწესრიგებელი სილაბუსები, ინფრასტრუქტურა, სტუდენტების მიმართ ადმინისტრაციული და აკადემიური პერსონალის დამოკიდებულება, სტუდენტური პროექტების დაფინანსება, კვების ობიექტები და ა.შ.

„ვისაუბრეთ იმ საკითგებზე, რომელიც უნივერსიტეტისთვის აქტუალურია. მაგალითად, სტუდენტებისთვის განათლების მისაღებად არაჯანსაღი გარემო, ინფრასტრუქტურული პრობლემები, სილაბუსები, ლექტორების დამოკიდებულება სტუდენტების მიმართ. ასევე, არ არსებობს სოციალური სივრცე, სადაც სტუდენტებს შეუძლიათ შორის შუალედის ნორმალურად გატარება შეეძლება. ნამოვჭერით თსუ-ის სტუდენტური საერთო საცხოვრებლის პრობლემა და გაირკვა, რომ ჯერ კიდევ ბევრი იურიდიული საკითხია მოსაწესრიგებელი. ჯერჯერობით არ ვიცით კონკრეტულად როგორ შეიცვლება სტუდენტებისთვის გამოყოფილი ხარჯების განაწილების წესი. რექტორის ინფორმაციით, გამჭვირვალობისთვის კარგი იქნება სპეციალური კომისიის შექმნა, რომელიც სტუდენტური პროექტების დაფინანსების საკითხს გადაწყვეტს. მისი ხედვით, კომისიაში არასამთავრობო და საერთაშორისო ორგანიზაციების წარმომადგენლებიც უნდა შევიდნენ. ჩვენ მიგვაჩნია, რომ ეს გადაწყვეტილება ბიუროკრატის გაზრდის და ნაკლები შედეგი იქნება. თბილისის სახელმწიფო უნივერსიტეტში ფუნქციონირებენ დეპარტამენტები, რომლებსაც შეუძლიათ პროექტის მიზნობრიობა და ხარისხი დაადგინონ, წინააღმდეგ შემთხვევაში მივიღოთ ისეთი ახალი კადრები, რომლებიც ამას შეძლებენ. არასამთავრობო და საერთაშორისო ორგანიზაციებიდან წარმომადგენლების შერჩევა დამატებით დროისა და ფინანსური რესურსების ხარჯვას გამოიწვევს“, — განაცხადა თსუ-ის

სტუდენტური თვითმმართველობის პრეზიდენტის მოვალეობის შემსრულებელმა ბახვა კვირიკაშვილმა.

„მიუხედავად იმისა, რომ ახალი რექტორი ხაზს უსვამს ღია კარის პრინციპს და გვთავაზობს ჩართულობას (რომლითაც საუნივერსიტეტო სივრცეში სტუდენტური თვითმმართველობა ყოველთვის გამოირჩეოდა), მაინც ბუნდოვანი რჩება უნივერსიტეტში ფინანსების განკარგვის პრინციპი. შეხვედრისას რექტორმა ისაუბრა კომისიის შექმნაზე, რომელიც განკარგავს ამ ფინანსებს, თუმცა არაფერია ნათქვამი იმაზე, თუ რა პრინციპით, რა კრიტერიუმებით აპირებს აღნიშნული კომისია მუშაობას.

გულახდილად რომ გითხრათ, შეხვედრისგან ბევრად მეტს მოველოდი. დარჩა ძალიან ბევრი კითხვა, რომლის დასმაც ვერ მოხერხდა, იყო ზედაპირული პასუხებიც. ყველაზე სამწუხარო ის არის, რომ სასწავლო პროცესის დაწყებიდან დღემდე სტუდენტურ თვითმმართველობას არ ეძლევა საშუალება, წარმართოს ის სტუდენტურ ცხოვრებასთან დაკავშირებული აქტივობები, რაც გამოაცოცხლებს და გააჯანსაღებს საუნივერსიტეტო გარემოს. რაც ყველაზე სამწუხაროა, ამ ადმინისტრაციულ-ბიუროკრატიულ პრობლემებს ენიჭება იმ სტუდენტთა ინტერესები, რომლებიც მუდმივად ითხოვენ მსგავსი ტიპის პროექტების განხორციელებას. ველით ქმედით ნაბიჯებს“, — ასე გამოეხმაურა სოციალური ქსელის მეშვეობით თსუ-ის სტუდენტური თვითმმართველობის წევრი შოთა ეზერაშვილი.

თსუ-ის რექტორი გიორგი შარვაშიძე სტუდენტებს დაჰპირდა, რომ უკვე ერთი წლის შემდეგ თბილისის სახელმწიფო უნივერსიტეტში სრულიად სხვა, გაუმჯობესებული ვითარება იქნება და პრობლემები, რაზეც სტუდენტები საუბრობენ, ეტაპობრივად მოგვარდება.

„თსუ-ში სილაბუსების პრობლემა არსებობს. სილაბუსი კურიკულუმის ნაწილია, კურიკულუმი ერთგვარი სოციალური კონტრაქტია და სტუდენტმა, რომელიც უნივერსიტეტში მოდის, უნდა იცოდეს —

რას სთავაზობს უმაღლესი სასწავლებელი — რას, როგორ და ვინ ასწავლის, რა პერსპექტივა აქვს, დასაქმდება თუ არა და როგორ. სამწუხაროდ, ამ საკითხის შესწავლა არ ხდებოდა, თუმცა აუცილებლად დაინებდა. სილაბუსების რევიზია ყოველწელს უნდა ხორციელდებოდა და ახლდებოდა. როდესაც მიწოდდა გამეგო ესა თუ ის უმაღლესი სასწავლებელი რამდენად ახალი პროგრამით ახორციელებდა სწავლებას, ვთვალთვინებდი ბიბლიოგრაფიას და ნიგნების გამოცემის თარიღს. უნივერსიტეტში კი სტუდენტური ბაზების სისტემა მოუწესრიგებელია, IT დეპარტამენტის წარმომადგენლები აცხადებენ, რომ ყველაფერი წესრიგშია, თუმცა მაღალი მომართვიანობის შემთხვევაში იჭედება. აქედან დასკვნა, ესეიგი ბაზა არ ფუნქციონირებს გამართულად. გამოსავალი ვითარების გამართვაშია და ვილაცის წარმოდგენებზე არ უნდა იყოს მორგებული. თბილისის სახელმწიფო უნივერსიტეტი საშუალო სიდიდის უმაღლესი სასწავლებელია და არ არის საჭირო „ველოსიპედის ხელახლა გამოგონება“. არსებობს აკადემიური ბაზების სისტემები, რომლებიც არაერთ უნივერსიტეტში გამართულად მუშაობს და ჩვენც ვაპირებთ ამ გზით წავიდეთ. ასევე, მნიშვნელოვანი პრობლემაა აუდიტორიების გადანაწილების პრინციპი, არის გამოუყენებელი აუდიტორიებიც. მაგალითად, II კორპუსში, სადაც დაკეტილია ოთახები და საწყობად არის გადაქცეული. ვერ ჩამოვწერეთ ნივთები, რომლებიც არავის სჭირდება. ეს არის მენეჯმენტის ბრალი და პრობლემა. უნივერსიტეტს არ აქვს იმის საშუალება, რომ ყველა სტუდენტს ჰქონდეს ნორმალური სწავლებისა და კვლევის შანსი. სასწავლო გარემო სრულიად მიუღებელია. თუმცა, აქვე აღვნიშნავ, რომ ერთ დღეში, ან სამ თვეში ყველა პრობლემის მოგვარება შეუძლებელია“, — განაცხადა თსუ-ის რექტორმა გიორგი შარვაშიძემ.

თსუ-ის სტუდენტური თვითმმართველობა ახალ რექტორს 18 ოქტომბერს შეხვდა.

ნატო ოპოლაკა

სტუდენტური თვითმმართველობის არჩევნები 25 ნოემბერს გაიმართება



ბახვა კვირიკაშვილი

პირველი გვერდიდან

დან ერთი სტუდენტი, რომელსაც ყველაზე მეტი მხარდაჭერა ექნება.

„რექტორთან შეხვედრის დროსაც დავაფიქსირეთ, სტუდენტურ თვითმმართველობას ცუდი გამოცდილება აქვს იმ კუთხით, რომ თსუ-ის ადმინისტრაცია და რექტორატი პირდაპირ ეწეოდნენ თვითმმართველობის არჩევნებში. ანალოგიური არ უნდა განმეორდეს, რადგან ეს დამოუკიდებელი სტრუქტურული ერთეულია და, კანონის მიხედვით, გარეშე პირს მის საქმიანობაში ჩარევის უფლება არ აქვს. სტუდენტობას უნდა მოგვეცეს საშუალება, რომ არჩევანი დამოუკიდებლად გავაკეთოთ და კენჭისყრის სამართლიანად ჩატარებაში ხელი შეგვიწყონ: სტუდენტებმა, სტუდენტურმა ჯგუფებმა წარმოვადგინოთ ჩვენი კონცეფციები და სტუდენტობა მიიღებს გადაწყვეტილებას — ვინ აირჩიოს“, — განაცხადა თსუ-ის სტუდენტური თვითმმართველობის პრეზიდენტის მოვალეობის შემსრულებელმა ბახვა კვირიკაშვილმა.

ჯერჯერობით სტუდენტური თვითმმართველობის არჩევნებში მონაწილეობის სურვილი არავის გამოუთქვამს. ცნობილია მხოლოდ ბახვა კვირიკაშვილის პოზიცია, რომელიც დელეგატის მანდატის მოპოვებას კვლავ გეგმავს. რაც შეეხება კენჭისყრის პროცესის სამართლიანად გამართვას, მისი ინფორმაციით, არჩევნებს სხვადასხვა არასამთავრობო ორგანიზაციებიდან მონეული პირები დააკვირდებიან.

ნატო ოპოლაკა




სამეცნიერო ნაშრომი თაროზე

საქართველოს შრომის კოდექსზე ევროპელმა ექსპერტებმა კომენტარები შეიმუშავეს

სირველად, საქართველოს ისტორიაში, შრომის კოდექსზე უცხოელი ექსპერტების კომენტარი გამოცემა ნიშნავს თითოეული მუხლი დეტალურად არის გაანალიზებული. შედარებითსამართლებრივი მეთოდის გამოყენებით განხილული და განმარტებულია შრომითი ურთიერთობის, სამუშაოს შესრულების, შესვენებისა და დასვენების დროის, ცვლაში მუშაობის განსაზღვრული დროის, შევსებულების, შრომის ანაზღაურების, შრომის პირობების დაცვის, დავების განხილვებისა და გადაწყვეტის და სხვა საკითხები, რომლებიც შრომის სამართლის რეფორმის პროცესში სახელმწიფოს დემოკრატიული განვითარებისთვის უმნიშვნელოვანესია.

„საქართველოს შრომის კოდექსის კომენტარზე“ 18 იტალიელი და ერთი ბრიტანელი ექსპერტი მუშაობდა.

„სამუშაო ერთობ მოცულობითი იყო, რადგან ეს პირველი პროექტი გახლდათ ქართული შრომის სამართალში და ძველად მოიძებნებოდა სხვა (სარწმუნო) წყაროები. უფრო მეტიც, ყველაფერთან ერთად, შედარებითსამართლებრივი მეთოდი იძლევა ძირითადი სამართლებრივი სისტემების მსგავსებებისა და განსხვავებების დანახვის შესაძლებლობას და ქართველ კანონმდებელს სთავაზობს გლობალური მოდელების შესახებ ცოდნას, რაც, ამავდროულად, ქვეყნის სამართლებრივი განვითარებისთვის სოლიდური საფუძველია“, — აღნიშნა „საქართველოს შრომის კოდექსის კომენტარის“ რედაქტორმა და თანაავტორმა ანდრეა ბორონი.



„არაერთი განმცხადებელი მოგვმართავდა და აღნიშნავდა, რომ საჯარო სამსახურში თანამდებობის დასაკავებლად გამოცხადებული კონკურსები ფორმალურ ხასიათს ატარებდა და თანამდებობებზე ნინასწარ შერჩეული კანდიდატების დანიშნვა ხდებოდა. განცხადებების შესწავლის დროს გამოვლინდა შემთხვევები, როდესაც არ ხდებოდა კონკურსანტებთან გასაუბრების ამსახველი ოქმების სრულყოფილი სახით შედგენა, ასევე, ვერ დგინდებოდა, კონკრეტულად რა კრიტერიუმში გახდა სხვა პირისთვის უპირატესობის მიჩნევის საფუძველი, რაც იძლევა დასაბუთებული ვარაუდის საფუძველს, რომ კონკურსები სამართლიანად არ ტარდებოდა. ზოგადად, ეს საკითხები მიუთითებს იმ გამოწვევებზე, რომლებიც არსებობს ქვეყანაში შრომის უფლების სათანადო დაცვის უთხბით და შესაბამისი საკანონმდებლო ცვლილებების აუცილებლობაზე მიუთითებს. ნინამდებარე კომენტარები ხელს შეუწყობს ამ სფეროში არსებული ხარვეზების გამოვლენას, ერთიანი სასამართლო პრაქტიკის ჩამოყალიბებას და საზოგადოების უკეთ ინფორმირებას შრომის კოდექსის პრაქტიკაში იმპლემენტაციის საკითხებზე“, — აღნიშნულია საქართველოს სახალხო დამცველის უნა ნაწიგვილის ნინასიტყვაობაში, რომელიც „საქართველოს შრომის კოდექსის კომენტარს“ აქვს დართული.

„საქართველოს შრომის კოდექსის კომენტარის“ ნარდგენა და იტალიელი ავტორების საჯარო მოხსენება თბილისის სახელმწიფო უნივერსიტეტში 20 ოქტომბერს მოეწყო. ღონისძიებას თსუ-ის რექტორი გიორგი შარვაშიძე, საქართველოში იტალიის ელჩი, სასამართლო ხელისუფლებისა და არასამთავრობო სექტორის წარმომადგენლები, პროფესორ-მასწავლებლები და სტუდენტები ესწრებოდნენ.

„სახელმწიფოს განვითარებისთვის ძალიან მნიშვნელოვანია, რომ საზოგადოება დასაქმებულისა და დამსაქმებელთა უფლებების განხილვის პროცესში ჩაერთოს. ეს ყველაფერი ხელს შეუწყობს შრომითი უფლებების დაცვას, ინვესტიციების მოზიდვას და ბიზნესგარემოს გაუმჯობესებას. მიმაჩნია, რომ საქართველოში ბიზნესგარემოს გაუმჯობესებისთვის აუცილებელია შრომითი სასამართლოს, როგორც ცალკე ინსტიტუტის ამოქმედება“, — აღნიშნა იტალიის ელჩმა საქართველოში ანტონიო ენრიკო ბარტოლომი.

„საქართველოს შრომის კოდექსის კომენტარის“ გამოცემა კარგი მაგალითია, თუ როგორ უნდა მოემსახურებოდნენ კანონმდებლობა საერთაშორისო სტანდარტებს. განსაკუთრებით მისასალმებელია, რომ ეს თემა ეხება შრომით უფლებებს, ევროპული კანონმდებლების მხრიდან დიდი ყურადღება დაიმსახურა და უცხოელი ექსპერტების კომენტარის განხილვა იტალიის პარლამენტშიც შედგა. ვიმედოვნებ,

ანდრეა ბორონი

რომ ეს თანამშრომლობა გაგრძელდება და მომავალში კიდევ ბევრი საშუალება გვქონება ვიმუშაოთ იმ კონკრეტულ საკითხებზე, რომელიც ამ ფორმატში უნდა განხორციელდეს“, — აღნიშნა თსუ-ის რექტორმა გიორგი შარვაშიძემ.

აღსანიშნავია, რომ საქართველოს შრომის კოდექსის უცხოელი ექსპერტების მიერ კომენტარის შექმნის იდეა იურიდიული ფაკულტეტის კერძო სამართლის მიმართულების ასისტენტ გიორგი ამირანაშვილსა და პროფესორ ანდრეა ბორონის ეკუთვნის.

„დიდი სიამოვნებით მინდა, გაეხსენო ის დრო, როდესაც პროფესორ ანდრეა ბორონისთან ერთად, რამდენიმე წლის წინ, დაგვებადა იდეა, უცხოელი ექსპერტების მიერ შექმნილიყო საქართველოს შრომის კოდექსის მუხლობრივი კომენტარი, რომლის რედაქტორი და თანაავტორი თავად იქნებოდა. მიხარია, რომ ამ იდეას ხორცი შეესხა და 2014 წელს გამოიცა კომენტარის ინგლისური ვერსია, რომელმაც ბინა დაიდო ქ. ჰამბურგის მაქს-პლანკის ინსტიტუტისა და ჰარვარდის სამართლის სკოლის ბიბლიოთეკებში. აღსანიშნავია, რომ ამ ნაშრომის ნარდგენა ურვეულო და შთამბეჭდავი იყო იმ თვალსაზრისით, რომ იგი შედგა ქ. რომში, იტალიის პარლამენტში, მიმდინარე წლის 30 მარტს. ძალზე სასიხარულოა, რომ დღეს უკვე მისი თარგმანიც მოგვეპოვება და ქართული შრომის სამართალი დანერგული მკითხველის ბიბლიოთეკას ასეთი წიგნი შეემატა“, — განაცხადა პროექტის კოორდინატორმა და წიგნის თანამთარგმნელმა, იურიდიული ფაკულტეტის კერძო სამართლის მიმართულების ასისტენტმა, გიორგი ამირანაშვილმა.

იურიდიული ფაკულტეტის კერძო სამართლის ინსტიტუტი მორიგი მსგავსი პროექტის განხორციელებას უკვე გეგმავს. უახლოეს მომავალში, დაიწყება „საქართველოს შრომის კოდექსის კომენტარის“ მსგავსი ნაშრომის შექმნა, რომელიც ქართული სადაზღვევო სამართლის სფეროს შეეხება.

იტალიელი პროფესორების თსუ-ში ვიზიტი 21 ოქტომბერს გამართული საჯარო ლექციით დასრულდა. ანდრეა ბორონიმ და ფრანჩესკო ბაჩინიმ საჯარო ლექცია ნაკითხს თემაზე — შრომის სამართლის ადგილი კერძო სამართლის სისტემაში. საჯარო ლექცია იურიდიული ფაკულტეტის თანამედროვე კერძო სამართლის ინსტიტუტის, ა(ა)იპ „თანამედროვე შრომის სამართლის ცენტრისა“ და შპს „იუსტიციის საერთაშორისო ცენტრის“ ორგანიზებით მოეწყო.

ნათო მოლოჯაძე

კორუპცია

ქართველოლოგიური ენების მკვლევართა შეკრება პარიზში

სექტემბერში პარიზის ჩიკაგოს უნივერსიტეტის ცენტრმა (The University of Chicago Center in Paris) ქართველოგიური ენების ქართველ და უცხოელ მკვლევრებსა და ექსპერტებს უმასპინძლა. ვორქშოფი სახელწოდებით — „სამხრეთკავკასიური ცარცის წრე (SCCC): ფილოლოგია ხდება ლინგვისტიკას (The South Caucasian Chalk Circle (SCCC): Philology meets Linguistics)“ ჩიკაგოს, მერილენდისა და პარიზის უნივერსიტეტების პროფესორების ლენორ გრენოლის, მარია პოლინსკის, იოანა ჩიტორანის, ლეა ნემის ორგანიზებითა და ახალგაზრდა ფრანგი დოქტორანტის, ქართველოგიური ენების პერსპექტიული მკვლევრის ელენ ჟერარდინის აქტიური მონაწილეობით გაიმართა.

პარიზში ქართველოლოგიების შეკრება იმითაც იყო მნიშვნელოვანი, რომ ვორქშოფმა გააერთიანა ენის მეცნიერული კვლევის სხვადასხვა ასპექტზე მომუშავე ენათმეცნიერები, ქართული და სამხრეთკავკასიური ენების ექსპერტები, რაც იმას მოწმობს, რომ ქართველოგიური ენების მიმართ ინტერესი არ შენეებულა. თსუ-ის ჰუმანიტარულ მეცნიერებათა ფაკულტეტის პროფესორები ვორქშოფიდან ახალი ინიციატივებით დაბრუნდნენ და შთაბეჭდილებები გაავიზიარეს.



„ვორქშოფის მუშაობის სამეცნიერო ხარისხს მნიშვნელოვნად განსაზღვრავდა მასში ცნობილი ამერიკელი ქართველოლოგის ალისა ჰარისის მონაწილეობა. ვორ-

ქშოფის მონაწილეთა შორის იყვნენ თსუ-ის აღზრდილებიც, ამჯერად უცხოეთში მოღვაწე ქართველი სპეციალისტები მარია ბუცხრიკი და ნინო ამირიძე, ასევე უცხოელი კოლეგები, რომელთაც აქვე ქართველ მეც-

ნიერებთან თანამშრომლობის გამოცდილება: სტავროს სკოპეტასი (გერმანია), დიანა ფორკერი (გერმანია), იური ტესტელიცი (რუსეთი), ბალტიზ ოზთურქი (თურქეთი) და სხვები“, — აღნიშნავს თსუ-ის პროფესორი მაია ლომია.

ვორქშოფის მთავარი მიზანი, როგორც ორგანიზატორები აღნიშნავენ, ქართველოგიური ენების მკვლევართა საზოგადოების შეკრება გახლდათ სამუშაო შეხვედრის ფორმატში. ტერმინოლოგიურ საკითხებს მიეძღვნა რამდენიმე სპეციალური სესია. მაია ლომიას თქმით, მნიშვნელოვანი იყო ის ფაქტიც, რომ ვორქშოფის ორგანიზატორები კარგად იცნობენ არა მარტო ქართველოლოგიურ კვლევებს, არამედ ზუსტად იცნობენ, როგორი ხელმეწეობა სჭირდება საქართველოში არსებული ცოდნისა და გამოცდილების მსოფლიო ასპარეზზე გატანას, რათა ჩამოყალიბდეს ორმხრივი ურთიერთობები. შეხვედრის მთავარი მიზანი სხვადასხვა მიმართულების მეცნიერების დაახლოება იყო, ასევე, კარიერის საწყის ეტაპზე ხელშეწყობა მაგისტრანტების, დოქტორანტებისა და ახალგაზრდა მეცნიერებისთვის.

რამაზ ქურდაძე, თსუ-ის ჰუმანიტარულ მეცნიერებათა ფაკულტეტის ქართული ენის სასწავლო-სამეცნიერო ინსტიტუტის ხელმძღვანელი:

„პარიზის ვორქშოფმა გარკვეულწილად შეაჯამა საქართველოსა და უცხოეთში ქართველოლოგიის მიმართული ნარმართული კვლევები. სასიამოვნოა, როცა ამდე-



